



Ассаламу аьлайкум, дустал

# ХХЯХХА БАРТЪ

Лакрал райондалул кказит. Ита бакълай 97-сса шин.

12+

«ЗАРЯ»

Нюжмар  
26 март  
2021 ш.

№ 15

www.zaria-online.ru  
gazetazary@mail.ru

Антитеррор

## Аьрххи - ЧIарттал шяравун

Мартрал 19-ний ЧIарттал школалий хьунни жямат, Мучительтал, дуклаки оьрчIру бавтIсса мероприя- тия.

Миккун бавкIун бия райадминистрациялукIасса тер- рор-экстремизмалин кьаршисса комиссиялул аппаратрал начальник МахIаммад Гадаев ва «Ххяххабургиял» хьуна- ма редактор М.Мусалаев.

Цал, ялув кIицI лав- гми цачIун батIиннин, М.Гадаевлул иширайну ххал дунни, агар школа- лий теракт хьурча, ягу хьунсса щак бухьурча школалул коллектив- рал, каялу- шиву дул- лалиминнал дуклаки оьрчIащал дуллан аьр- кинсса да-



вурттал хIадуршин, ми цила чIумал кьатIув буккан баву ва м.ц. Мукум ххалбунни чичрулину бачин бан аьр- кинсса документру ци дара- жалий бурив. КIицI бунни аьмну масьалартту оьккину бакъашиву.

ЧIарттал школалий укусса батIаву даврил хьунмур мурад террор - экстремизмалул идеология-

лин кьаршину шяраваллил администрациялий, шко- лалий дуллан аьркинсса давурттая дакIнин бичаву. Террорданул балаллуя бу- ружаврил, мугьаятшиврул, личIлулшиврул давуртту мудар итталу дитаву, циняв кьулулгьчитал, жяматийсса организациярду, культура- лул зузалт ва гьарцагу инсан хIала буххарча балаллунсса

баруну шайшиву бувчIин баву ва м.ц.

Вай масьаларттая ва тер- рор-экстремизмалуцIун бавкIуну республика- лий, билаятрай хьанахь- исса, хьусса иширттая,

райондалий дуллалис- са давурттая бусласис- са бия М.Гадаевлул, М.Мусалаевлул ихтилатру.

Цала -цала биялдаралус- са идарарттай террор-экс- тремизмалул идеология ппив кьахьун, личIлулши- ву дуруччин ци дуллалис- сарив бувсунни мукумма М.Аьвдулмажидовлул ва М.Кьадировлулу.

«Лакрал район» МР-данул хIукму 26-мур февраль 2021ш. №13-р

### Бабаюртулрал райондалийсса Балассуннал шяраву, «Лакрал район» МР-данул террор- экстремизмалин кьаршисса комиссиялул батIаву даврия

«Лакрал район» МР-данул террорданин кьаршисса комиссиялул (АТК), 2021 шинал даврил план биттур даврин бувну, хIукму бан:

1. АТК-лул аьрххилий лавгсса батIаву дан Балассуннал шяраву 2021 шинал апрельда- нул 27-ний ссят 11-ний.

2. АТК-лул регламентрал 3,2-мур бутIуйн бувну, батIаву хIадур дансса комиссия са- кин бан. (Ургу гихунай).

3. 2021 шинал апрельданул 27-ний хьун- тIисса батIаврий дансса давурттал план цIакь дан.

Зузи группалий каялушиву дайманан 2021

шинал апрельданул 17-хьуннин батIаврияс- са материаллу диян дан комиссиялин

**Ю.ХI.МахIаммадов, «Лакрал район» МР-данул бакIчи, АТК-лул председатель. АТК-лул Баласмав хьунтIис- са батIаврин материаллу хIадур дансса зузи группалул сияхI:**

-Макьсудов М. - АТК-лул секретарь (груп- палул бакIчи).

-Гадаев М. - АТК-лул аппаратрал начальник. Рамазанов М. - МВД-лул «Лакский» МО- лул начальник.

-МахIаммадов Т. -Дуккавил управление- лул начальникнал кIанайма.

-ХIсманов М. «ЦТК, МП СТ ва ЦБС» -ида- ралул директорнал заместитель.

-Штанчаев М. -ГьунчIукьатIрал шяравал- лил администрациялул бакIчи.

ХIусайнов З. -Карашрал шяраваллил ад- министрациялул бакIчи.

Зузи группалий каялушиву дуллалиманан апрельданул 17-хьуннин баян бан АТК-лул батIавринсса материаллу хIадур шаврия.

Шамбарзру

## Шаьбан. Бараатрал хьхьу

Най бур шамбарзурдил кIилчинмур - Шаьбан. Жула Идавс МухIаммадул (с.аь.вс.) куну бивкIун бур: Раджаб барз цайми зурдардиял хьхьичIунссар, идавстал цайми инсантураял хьхьичIунсса кунма. Шаьбан барз тIурча цайми зурдардиял хьхьичIунссар, на цайми идав- стурял хьхьичIунсса куна»

Мукумма идавсил куну бур: «Шаьбан зуруй дуллалис- са ххуйсса давуртту, арулцIалила хьуну дурну, ссавруннайн гьаз шайссар, цукунчIавсса дайшишру дакьа». Мунияту ганал ва зуруй шаланний зума дугьайсса диркIун дур, ахир- даний личIаннин.

Мукум зума дугьан захIмат хьанахьиминнан хьинссар зурул байбихьулийгу дянивгу, ахирданийгу шан-шанна кь- ни зума дугьарча. Яла хьун- масса чир бусса бур, 15 -чин- мур кьини дургьусса зумалул.

рая ябуцан байсса бур. Идав- сил хIадисирттай чивчун бур, му хьхьуну Аллагь ци- няв инсантурал бунагьирт- тал ялтту учIайссар, дин кьадиртминнал, бухьтан- ну бихьлахьиминнал, хIан хIачIлачIиминнал, мачча- гьанминашчал дахIавуртту дакьаминнал, нитти-буттах вичIи кьадихьлахьиминнал, зуна буллалиминнал, дакI хьуниминнал ва питнарду сукку буллалиминналми ли- чIаннин. Мунияту, му хьхьу дуаьрду дуллаш, Аллагь кIиц-



Шаьбан зурул 14-ния 15-нинсса хьхьу-хьунмасса хIурматран лайкьсса Бараа- трал хьхьури. Му хьхьу хьун дансса эбадатру дурманан Аллагьнал багьшла битайс- са бур бунагьру ва ца шинал мутталий му балалая ва цIуцIавурттая уручайсса ур. Му хьхьуну ххуйдакьасса давуртту дурми Алжаннуня ябуцан байсса бур, ххуйсса давуртту дурми - Дужжагь-

лаглай дуртун хьинссар. Бараатрал хьхьуну хьин- ну хьинссар шамила «Ясин» бувккуну: цалчин - вила оь- рму лахьи баншиврул бук- кин ният дурну, кIилчин - балалая, талихI бакъаши- вурттая уруччин ният дурну, шамулчингу - неьматру чIя- ву бан ният дурну.

Гьарца «Ясин» бувккун махь дуккайсса хасьсса ду- аьгу дуссар.

ЦЗН

### Зунсса давуртту

Мартрал 22-ний агьали давурттал шаллу байс- са центрданий цIудуккан дурни зунми аьркинсса кIанттурдал сияхIгу, Дагьустан Республикалийсса зунс- са кIанттурду бусса давурттал ва зунсса инсантал аьркинсса кьул- лугьирттал сияхIгу.

Давуртту дакьасса, чувчIав кьазузисса райондалийсса инсанту- ран райондалийсса ЦЗН баян буллаш бур, цачIава бушиву 672 зунсса кIанттул хIуччарду. Харжру бур 12500 кьурушрая 60 000 кьурушраин биянинсса. Ца-ца пишалий тIурча - ляркьуссаксса, премияртташчал.

Зула циняв суаллашчал, цIуххин ччимунисшал бухьхьияра рай- ондалий Гьумуксса инсантал давурттал шаллу баврилсса байсса центрданин (ЦЗН). Адрес: Сурхайханнал кIичIиравалу, 1., тел: 8(267)-2-42-57. Ягу бухьхьияра, оьвчара ва адресрай: ГБУ РД «РМЦЗ «Успех», ш.МахIачкьала, ул Абубакарова, 117, тел6 63-84-83.





